

潛研堂金石文跋尾

潛研堂金石文跋尾續卷第四



嘉定錢大昕

宋

嵩山會善寺重修佛殿碑

開寶五年閏二月

右嵩山會善寺重修佛殿碑翰林學士胡請大夫尚書兵部郎中知制誥柱國賜紫金魚袋王著撰前攝大理評事王正己書宋初有兩王著一爲單州單父人字成象官翰林學士一爲京兆渭南人字知微官翰林侍書宋史皆有傳此碑撰文之王著職居學士非太宗時模勒開帖者也著傳云開寶二年卒而碑立於五年閏二月著已先卒矣正己書法亦孫崇望之流而不通文義碑文有隋開皇字誤於皇字上空二格

龍興寺碑

開寶八年四月

右龍興寺碑在同州府字畫完好獨不署撰書人姓名讀其文

知撰人名帖而已文稱府主連帥太師又云門下平章之命禁
殿宣麻致之宋史則馮繼業時爲定國軍節度使史不云檢校
太師及加中書門下平章事也宋初沿五代之制藩鎮之權尚
重繼業在周已歷節鎮名位久顯寵以三公使相之號不足爲
異然本傳竟不一書未免失之太畧繼業在同州吏民嘗爲立
遺愛碑今不復傳矣

福嚴院牒 太平興國三年五月

右福嚴院中書門下牒在澤州鳳臺縣之陝石山本青蓮寺上
院宋太平興國中賜額敕尾列銜者三人中書侍郎平章事盧
者虛多遜也右僕射兼門下侍郎平章事者沈倫也左僕射兼
門下侍郎平章事者薛居正也三人皆宰相薛沈官至僕射故
不書姓凡中書門下牒宰臣皆署押年月上鈐以印此碑無印

與押者刻石時但錄其全文未將錄黃鈎摹也鉅野姚斗塘游
澤州揭以遺予且言同時法輪院亦有賜額較牒與此刻相同
附記於此

新譯三藏聖教序 端拱元年

右新譯三藏聖教序太宗御製蓋為西域僧天息災等譯經而
作攷宋史雍熙二年十月丙午以天竺僧天息災施護法天並
為朝請大夫試鴻臚少卿蓋獎其譯經之勞也碑為沙門雲勝
書後列涪州觀察使知孔興軍府事柴禹錫等名則李邕所書
然隸法如出一手宋史鄭文寶傳授陝西轉運副使內侍方保
吉出使陝右頗恣橫且言文寶與陳堯叟交辭為薦其弟堯佐
驛召令辯封上書自明太宗察其事坐保吉罪厚賜文寶而遣
之此碑末有祗候高班即班內品提點酒稅方保言次文寶之

後豈卽其人乎吉言字形相近當是轉寫之訛禹錫官檢校太保史亦失書

景德寺中書門下牒并澤州帖

景德四年十二月

右景德寺中書門下牒并澤州帖在澤州丹水山本名慈善寺景德四年敕賜景德寺爲額牒尾書押者曰右諫議大夫參知政事趙曰兵部侍郎參知政事馮曰工部尚書平章事王以朱史宰輔表考之蓋王旦馮拯趙安仁也拯以景德二年自工部侍郎參知政事其由工部轉兵部則表畧之牒以十一月下而澤州帖以十二月下帖尾知軍州事石判官葉推官趙錄事參軍王司戶參軍孫五人皆有押其序自左而右知州列銜獨高判推僅及其半錄事司戶又下之牒上有中書門下印一方帖上有澤州印三方宋世公文之式蓋如此碑末有金泰和八年

十一月僧善雲立石字

涇州回山王母宮頌 天聖三年三月

右涇州回山王母宮頌凡兩本一爲南岳宣義大師夢英行書
一爲度支員外郎知軍州事上官必築書于皆得之其文無一
字異也長編紀事本末載乾興元年七月戶部判官度支員外
郎上官必坐了謂黨知晉州此碑立於天聖三年蓋由晉州徙
涇州矣

蕭山縣夢筆橋記 天聖四年三月

右蕭山縣昭慶寺夢筆橋記在縣城覺苑寺宋初寺名昭慶後
改爲覺苑也相傳寺爲江淹故宅橋在寺門外故有夢筆之名
記文爲太常寺奉禮郎簽署蘇州觀察判官廳公事葉清臣撰
宋史本傳云簽署蘇州觀察判官事蓋治平以後史臣避英宗

嫌名改著爲書兩京苑小學規碑亦有大理寺丞簽署觀察判官廳公事李繼名牌不稱大宋而稱巨宋與它刻異

護國寺碑

天聖九年七月

石見國寺碑癸卯夏予游天台宿此寺遙望穹碑屹立野田間
雖往觀之惟碑額天台山護國寺碑銘八篆字尚完好餘俱漫
漶不能讀太息久之周視碑陰有熙寧九年晁美叔題名意此
碑必宋初物頃台郡守黃兒滄拓其文見貽諦審之有天聖九
年歲次辛未七月字碑首列銜武勝軍節度同中書門下平章
事判河南字仿佛可辨以史考之知爲錢文僖所撰無疑也文
僖典故集三十卷今已不傳此碑雖歸朕獨存亦幾於安沒字
矣

澤州龍堂記

天聖九年七月

右澤州龍堂記記爲知州事王世昌亮采禱雨有應而作文云
高都郡西南二里有古潭其廣百尺唐刺史溫璠因歲旱詢於
耆艾云此實龍泉遂命開鑿致禱而雨洵由是建祠於側則龍
泉之祠始於唐矣宋初巡檢爲在外典軍要職故郭進以西山
都巡檢使立功邊境此碑末列名有西頭供奉官兵馬監押兼
在城巡檢楊德政左班殿直澤州管界并連太行山一路巡檢
何懷德一州置兩巡檢官冗而樞輕武功之不振有自來矣

長城葆光等題名

明道二年六月

右長城葆光等題名其文云長城葆光高平希文師古潁川天
經太原子融子野陳留商叟天水元甫子淵滎陽天休清河子
思昌黎稚圭廣平子京河東伯垂饒南陽道卿出守嘉興於鉅
鹿介之北軒明道二年六月十七日曼卿書希文者范文正公

也樵主者韓忠獻公也子京者宋景文祁也天休者鄭文肅散
也子德者王曾之弟碑子思者張知白之嗣子道卿者葉清臣
也曼卿者石延年也此刻當在汴寧久已不傳慶元初新安朱
瞻顏轉運廣西重刻於龍隱洞之石

延慶禪院舍利塔記

景祐三年六月

右延慶禪院舍利塔記前題應賢良方正能直言極諫科奉直
郎守殿中丞騎都尉賜緋魚袋馬元穎撰碑末又列奉直郎守
殿中丞知河陽濟源縣事兼兵馬都監騎都尉賜緋魚袋馬元
穎名前以撰文故標制科後以立石故書縣職所謂言各有當
也宋人由制科入等得官者甚多以應科繁銜獨元穎一人爾
書石者爲江陵楊虛已自云習晉右將軍王羲之書與汴陽縣

陳述古題名 寶元二年九月

右陳述古題名左行十六行文云太平興國六年先祖太師中

令秦國公宰邑茲土時孟父中令大人太尉相公季父太尉康

肅公並肄業精舍群符九年孟父中令公引罷樞府相國出判

三城天聖六年述古倅白波酒

此下似
是發字

與仲弟殿省丞求古師

之同遊今忝運局使領之任率前淮安從事尹宗濟載之前三

堂盧川令韓襲紹先專謁靈祠復此憩止稚子祝史知雄知方

知白守芸校知十已下六人待行時寶元己卯登高前五日尚

書金部員外郎陳述古行之題其下有小子二行云後治平丙

午歲重五日男將仕郎守孟州濟源縣尉知素立石秦國公者

陳省華也中令者堯叟也太尉相公者堯佐也太尉康肅公者

堯咨也宋史於堯叟書贈侍中不云中書令堯佐書贈司空堯

侍中不云贈太尉中令班侍中之上太尉班司空之上蓋後本
加贈而史失之爾歐公撰堯佐神道碑以述古求古爲堯佐子
與石刻合而史於堯咨傳末乃云子述古太子賓客致仕博古
館閣校勘似述古博古爲堯咨子則誤之甚矣祝史謂太常寺
太祝芸校謂祕書省校書郎皆以蔭敘入官者

重刻栖霞寺碑

康定元年三月

右重刻栖霞寺碑本江總持文韋蒲書唐會昌中碑毀今所存
者宋康定元年沙門懷則重書也按總持自序稱年二十餘入
鍾山就靈曜寺則禪師受菩薩戒慕甘官陳與操山布上人遊
款深悟苦空更復鍊戒故題衡有菩薩戒弟子之稱蓋官翊前
會稽王行參軍世未解翊前爲何語予考陳書後主之第八子
莊封會稽王顯明二年除翊前將軍揚州刺史則當卽莊之屬

吏當時皇子封王者必除都督刺史加將軍號乃得開府道官
屬故加朝前於會稽王之上也梁時置朝左朝右朝前朝後四
將軍在第二十班今人知其名者尠矣

石氏世表 康定二年八月

右石氏世表石介撰士建中書歐陽公撰介墓表稱父丙官至
太常博士而此表云仕至太子中舍與歐表異歐表介有子師
訥此云介生彭哥川哥律哥蓋各舉其小字未審誰爲師訥也
孫明復寄范天章書云今有大名府魏縣校書郎士建中南京
留守推官石介二人者其能知舜禹文武周公孔子之道者也
非止知之又能揭而行之者也執事若上言於天子次言於執
政必能恢張舜禹文武周公孔子之道以左右執事教育國子
丕變於今之世矣建中學行與介齊名當亦奇士而學於明復

者仕至兵部員外郎史不爲立傳後世無遺焉驗其善法亦自不俗

周湛等題名 慶歷二年三月

右周湛等題名在肇慶府七星巖其文云提點刑獄周湛同提點刑獄錢聿知郡事包拯同至慶歷二年三月初九日題按宋史周湛傳提點廣南東路刑獄初江湖民畧良人鬻嶺外爲奴婢湛至設方畧投捕又聽其自陳得男女二千六百人給飲食還其家則湛固有德於嶺海者今人但知包孝肅之治跡而罕識湛姓名故表而出之

重修北嶽廟記 皇祐二年正月

右重修北嶽廟記推誠保德功臣資政殿大學士光祿大夫行給事中充定州路都部署兼安撫使兼知定州軍州事及管内

制置營田勸農使上柱國南陽郡開國公食邑三千戶食實封
肆伯戶韓琦撰并書朝奉郎太常博士通判定州軍州觀察制置
營田及管内勸農事上騎都尉信緋錢貽範篆額按文獻通考
慶歷八年詔置河北四路安撫以韓琦王拱辰賈昌朝等充諸
路使四路謂魏麟鎮定四州也定州置安撫蓋昉於此宋初節
度使領馬步軍都部署其後守臣帶一路安撫使者皆帶馬步
軍都部署故有帥臣之稱英宗以後避御名改爲都總管宋史
職官志定州兼安撫使馬步軍都總管據後改名書之也此碑
結銜內已有制置之名而馬端臨謂安撫帶制置自建炎三年
浙西康允之始考之似未審矣

祖無擇題名

皇祐二年孟秋

右祖無擇題名在南海廟韓碑之餘其文云皇祐二年孟秋庚

寅儲陸仲息子強丁寶臣元珍李微之休甫王逢會之劉某于
上謁廣利王夕宿廟下祖無擇擇之記彈琴道士何可從猶半
信宗淨同行考宋史祖無擇嘗爲提點廣東刑獄廣南轉運使
故嶺南多擇之題名而此刻尤爲完好廟中又有皇祐三年十
月無擇與李樞李徽之田準柳洪等題字在元祐祐祀海碑之
側翁學士嘗疑之以爲宋人不應題於元碑之側予謂此必唐
宋舊碑爲元人磨去惟兩側偶未毀爾丁寶臣晉陵人皇祐初
以太常博士知端州見王介甫所撰墓志王逢當塗人嘗爲南
雄州軍事判官見宋史文苑傳

崇教寺辟支佛塔記

皇祐二年八月

石崇教寺辟支佛塔記在江寧之牛首山記刻於皇祐二年長
千四照大師普莊爲文都元敬遊牛首山記詞不著撰人者考

之未審爾山有薛支洞相傳辟支迦佛宴坐之所辟支迦唐云緣覺也碑書插爲楠梓爲濟无爲无皆宋時俗體

京兆府小學規 至和元年四月

右京兆府小學規後題忠武軍節度使特進檢校太尉知軍府事文而不名者潞公彥博也潞公以前宰相知府事故題銜較通判以下特大而不署名凡節度使必帶檢校官宋史彥博傳不云檢校太尉者畧之也宋史職官志慶曆四年始置教授委運司及長吏於幕職州縣內薦或本處舉人有德藝者充蓋其時諸州教授皆由本路薦辟不奉朝旨故胡瑗教授蘇州不見於本傳據此碑蒲宗孟嘗爲京兆府教授本傳亦未之及也宋時有崇政殿說書及王府說書據此刻則府學亦有說書矣裴珍書學顏清臣而得其形似其書於作於則它碑無之

李師中詩

嘉祐七年十一月

右李師中詩石刻在粵西龍隱下巖其序云師中嘉祐三年九月受命來嶺外七年十一月得請知濟州感恩願已喜不自勝留詩四章以志歲月以史考之蓋自提點廣西刑獄攝帥事除知濟州時作也第三章云乞得衰身出瘴煙一座仍許視于藩注云蒙恩理作轉運使考宋制提刑資序在轉運之下知州又在提刑之下若大州輔郡則侍從以上亦得差遣以爲優賢佚老之地非尋常知州可比濟州地近京邑名爲知州恩數實視轉運使故云許視于藩也

余藻題名

治平元年仲冬

右余藻題名凡九行刻於龍隱下巖文云大宋治平元年仲冬廿七日同轉運判官孔延之長源前安撫司勾當公事姚原道

彥望新知冀州下錫希聲自壽寧院抵巖林觀少休風洞上登
栖霞洞却下流振泊龍隱巖有勝巖記曰薄西渡提點刑獄余
藻質夫因書遊覽之勝刻於崖石考東坡集有孔長源挽詩施
元之注以爲長源名延世查氏據曾子固所撰墓志以爲名延
之今以此刻證之知施氏考之未審矣

孫宣公神道碑

治平二年三月

右孫宣公神道碑撰書人姓名已殘闕而結銜尚可辨其云推
誠保德崇仁守正忠亮佐運翊勳功臣鳳翔節度管内觀察處
置等使開府儀同三司檢校太師行尚書左僕射兼侍中鳳翔
尹判左名府兼北京留守司事畿內河堤勸農司羣牧使充大
名府路安撫使駐泊馬步軍都總管上柱國魏國公者賈昌朝
也文中亦有昌朝兩字其爲賈所撰無疑其云門生翰林侍講

學士朝散大夫右諫議大夫上輕車都尉南陽郡開國侯楊
以史考之當是楊安國安國以宣公薦為國子監直講故有門
生之稱其云翰林學士朝散大夫守尚書吏部郎中知制誥兼
侍講充史館修撰判國子監同提點集禧觀事上騎都尉祁縣
開國男王洙則篆額者也宣公卒年七十二封樂安郡公贈太
尉皆史所應載而失載者

蕭山大悲閣記

熙寧元年十一月

右蕭山大悲閣記題云錢唐沈遼撰不言何人所書報達以書
名家此碑筆力整勁必報達自書矣碑末題云朝散大夫守光
祿卿直昭文館知福州軍州事兼管内勸農使兼福建路屯駐
駐節兵馬鈐轄護軍永安縣開國男食邑三百戶賜紫金魚袋
程師孟立考宋史師孟傳但書直昭文館而不書光祿卿蓋其

時以館職爲重寄祿官爲輕故有李登瀛不爲卿寧抱軀不爲監之諺然諫議給事亦皆寄祿官也卽孟知廣州日轉諫議大夫見於石刻傳亦不書及召還判都水監時爲給事中則又仍舊文而不刪此則義例之跡也

吳中復題名

熙寧七年

右吳中復題名在西安慈恩塔八分書甚有法其文云資政殿大學士知越州趙抃度支郎中轉運使皮公弼太常少卿知同州毋沆太常博士提點常平倉章案同登慈恩塔過杜祁公家廟遂會於興慶池館熙寧七年仲冬二十有二日龍圖閣直學士知軍府事吳中復題按趙閱道以熙寧三年四月自政府乞罷改資政殿學士知杭州後改青州召見以大學士再知成都乞歸知越州此題乃由成都移越道經京兆時也中復知元興

軍榮提舉陝西常平俱見宋史本傳公躬任陝西轉運使亦見
食貨志杜祁公衍家越之山陰晚年退居南都卽今之歸德府
也似不當立家廟於長安且北宋大臣罕有立家廟者或別是
一人非衍也

蘇子瞻題名 熙寧

右蘇子瞻題名在諸城縣學其文云禹功傳道明叔子瞻游不
署年月考蘇公年譜熙寧七年甲寅秋自杭州通判除知密州
九年丙辰十二月移知徐州諸城在宋爲密州此刻在甲寅以
後丙辰以前無疑矣禹功者喬太博敘傳道者章敘授傳明叔
者趙教授某東坡集中並有唱酬之作此刻不言何人所書而
下決其爲坡書者是時喬爲高公章趙爲校官以班資言之皆
宜在郡守之下惟出於公自書故可謙退居後它人則嫌於僭

矣東坡分隸世所罕見此九字可謂文豹之一斑也

會真宮詩題跋

熙寧十年丙午月

右會真宮詩題跋詩爲种明逸所作題於後者二十餘人或真或行或篆或隸或飛白胡宗回李宗諤宋綬韓退李孝昌邵鍊唐異蘇子美魏罔范仲淹王洙歐陽修蔡襄程戡梅堯臣韓琦沈遘張伯玉楊傑皇甫遵皆當時鉅公其云越者周越也曼卿者石延年也秘演則曼卿之友而僧者也才翁者蘇舜元也不疑者邵必也廣淵者王廣淵也熙寧丁巳譚述敘而刊諸石今种書已亡惟題跋二石尚存李南潤云石舊在秦安之會真宮今移東嶽廟環珮亭壁間

會布等題名

元豐元年正月

右會布等題名在廣東學院公廨後園九曜石上予以甲午冬

奉使到此每公事小暇卽徙倚其間摩挲題字徘徊徃復不知
日之移晷因歎曾子宣爲子固之弟風流儒雅輝映一時不第
附和紹述致位宰相史家遂入之姦臣之列所得幾何乃蒙千
載詬病然子宣雖不爲公論所與而能與章惇蔡京立異亦張
天覺之流也天覺旣可列傳曾獨不可列傳乎若史彌遠之姦
邪甚於僞胄而轉不在姦臣之數史家於此未免上下其手第
史論世者所以不可無識也宋史曾布傳元豐初以龍圖閣待
制知桂州據此則知廣州日已遷待制矣題稱廣東經畧安撫
使而不稱知廣州者以使職爲重起居舍人其寄祿官也轉運
副使二員其寄祿官一爲都官外郎一爲屯田外郎稱外郎而
去員字它刻所罕見也

表忠觀碑元豐元年

右表忠觀碑碑凡八片今存四片又失其下截每行止十一字
然筆法方整俊偉比之蔡君謨有過之無不及坡公最用意之
作也石在杭州府學乾隆辛酉歲掘地得之湖上錢王祠有明
人重刻本文雖完好特優孟之衣冠耳

曾布題名

元豐二年

右曾布題名文云南豐曾布已未上巳盡室泛舟歷覽東觀西
穴之勝遂游雉山凡四行篆書刻於龍隱下巖已未者元豐二
年其時子宣由廣州移知桂州矣

陳侔等題名

元豐三年十二月

右陳侔等題名文云元豐三年十二月初五日樞本路轉運使
朝散大夫直集賢院陳侔君美權判湖南路轉運使朝奉郎直
集賢院朱初平仲隱權發遣提舉本路常平等事光祿寺丞劉

讀宜父同游會公巖時仲隱誼父瓊完體量安撫回歸任會此
凡十一行刻於粵西之會公巖其云本路者廣南西路也宋史
職官志言官人受授之別有官有職有差遣官以寓祿秩敘位
者職以待文學之選而別爲差遣以治內外之事此刻所云轉
運者差遣也朝散朝奉者寄祿官也直集賢院者帖職也宋初
省臺寺監之官但以寄祿而無職守元豐三年九月改定寄祿
格以階易官由是六曹九寺各還其職此刻陳朱二人題銜已
遵新格獨劉誼不稱宜義郎而稱光祿寺丞豈帶職事官而出
使邪宋史食貨志元豐三年中書言廣州市舶已修定條約宜
選官推行詔廣東以轉運使孫迥廣西以陳情偕乃偕字之謂
當據石刻正之朱初平之名見於宋史蠻夷傳又食貨志熙寧
中有湖南提點刑獄朱初平蓋由提刑遷轉運也

時仲等題名 元祐可貢季春

右時仲等題名在九曜石米書之左三人皆稱字而無姓名子見九曜池中又有一石石上有字之紀仲明吳荀翼道張升卿公謝蔣之奇穎叔四人名乃元祐二年三月所題則此刻稱公謝者升卿也又攷中吳紀聞稱孫載字積中神宗時除廣東路常平營宗卽位諸路常平官廢赴京師授通判陝州遷廣東轉運判官此刻稱積中者載也惟時仲無可攷孫公吾鄉先正登治平進士第好汲引士類晚歲以嘗薦元祐黨人乞祠歸而宋史不爲立傳茲得其題名因表而出之

游師雄題名 元祐三年五月

右游師雄題名二通俱在同州府禱書聖教序碑陰其一題元祐三年五月而不著官職以宋史本傳推之當是任陝西轉運

判官時也其一題元祐甲戌中和節後一日稱權發遣轉運副使公事甲戌者元祐九年也阿房宮賦石刻有師雄跋立於元祐八年亦稱權發遣轉運副使公事本傳云爲陝西轉運使蓋號副字宋時外任差遣資淺者加權字尤淺者則稱權發遣某自公事史家皆畧而不書惟石刻一一書之章案時以直龍圖閣知同州故有章龍圖之目自尉中官同州學教授亦史傳所未及

王評題名 元祐三年八月

右王評題名在西安府慈恩塔文云承議郎新通守清江郡事瑯琊王評漢卿奉使岐雍長先榮四登慈恩塔元祐三年秋八月上游題按漢前公卿以下皆五月一休沐唐會要永徽三年上以天下無虞百司務簡每至旬假許不視事以便百僚休沐

則惠時十日一休沐矣休沐亦謂之休澣唐書劉晏傳質明視
事至夜分止雖休澣不廢是也宋時扈司旬假循唐故事故有
上澣中澣下澣周益公撰光祿丁亥本命道場齋散朱表有日
踰中澣之句攷其日乃十月二十一日又撰四月十八日丁亥
本命道場朱表亦云日近中休然則每月之二十日爲中澣日
上澣必月之十日矣一句之中止一澣日今人以上澣中澣下
澣當上旬中旬下旬既失其旨又休澣惟有官人乃可用之不
當通之士庶也漢卿當是駙馬都尉誼之昆弟

宸奎閣記 元祐六年正月

右宸奎閣記東坡知杭州日所書其結銜云龍圖閣學士左朝
奉郎知杭州軍州事兼管內勸農使充兩浙西路兵馬鈐轄兼
提舉本路兵馬巡檢公事武功縣開國子食邑六百戶輕車都

尉賜紫金魚袋臣蘇軾撰宸奎爲藏仁宗御書之所此記雖非
奉敕經進而言必稱臣昔賢之謹慎如此鈐轄與運檢皆掌兵
之職而各爲一司宋史職官志云臨安府舊爲杭州領浙西兵
馬鈐轄不云兼本路兵馬運檢則失之太畧矣唐宋人結銜勳
官在封爵之上此獨在爵邑之下與它碑異碑久失傳明萬歷
乙酉溫陵蔡學易知寧波府訪范侍郎欽得舊榻本雙鈎重刻
然范所藏亦是元時翻本予登天一開會寓目焉

曾布雲門山題名 元祐六年閏八月

右曾布題名在雲門山南壁佛龕上其文云龍圖閣學士知青
州魯郡侯曾布右朝奉大夫通判青州事胡之邵崇儀使管勾
南京鴻慶宮董佶左承議郎東路提刑司檢法官陳兢左承議
郎簽書節度判官高昌胤左奉議郎知益都縣李植觀察推官

貢大成州學教授劉章元祐辛未閏八月望遊此遂至石子澗
是日魯侯六子樂紆絢紱紉 孫念盡室奉益昌君從行凡十
一行迺秋谷謂是紆所書特以意度之爾予在粵東見布九聯
石題名筆意與此相似紆字公衮號空青居士布封魯郡侯宋
史本傳失書

黃履金陵雜詠

元祐

右黃履金陵雜詠凡一十九首題銜稱左朝請郎充天章閣侍
制知江寧軍府事而不署年月其首一篇題云閏八月十日同
運使正仲大夫提刑若愚司封運判全玉朝奉遊雨花亭考景
定建康志履以元祐六年八月到官是年恰閏八月與詩題合
又有和邇判張德父燈夕不赴詩則次年春所作也予向意上
辭爲月之十日而未有據今讀履詩云閏月稍豐暇清晨適逢

休則十日爲休澣之期信矣永慶寺觀陳井詩有龍沈景陽井
欄刻惟存戒之句此井所在之證今城西北有永慶寺未審
卽其故址否王象之輿地碑目謂陳景陽宮井欄石刻唐人書
今在行宮南渡之行宮卽舊江寧府治也或者元祐以後守臣
之好事者移永慶之石欄置之郡治歟惠烈廟祀蔣子文本在
晉陵岡故有山北迢迢十里餘之句明初改立廟於雞鳴山而
故廟遂廢紫極宮今之朝天宮也中有鍾阜軒則郡志所未載
華藏此君亭未詳所在周沔字潮宗蘇州人元祐三年李常寧
楊進士

王詵題名

元祐癸酉

右王詵題名在西安府慈恩塔其一云駙馬都尉王詵再遊元
祐癸酉凡十二字

晉卿凡八字晉卿宋初功臣也之者全拭子寧為元興軍
駐泊都監因家京兆晉卿於齊鈞為曾孫則京兆乃其族鄉又
考王評題名有展先塋之語則晉卿之屢游慈恩殆亦以展禮
先塋之便歟

胡宗回等題名 紹聖乙亥季秋

右胡宗回等題名其文云朝請大夫直龍圖閣知桂州兼經畧
安撫胡宗回醇夫朝奉大夫轉運副使程節信叔朝奉郎提點
刑獄曹輔子方朝請郎轉運判官程遵彥之邵承議郎提舉常
平徐常彥和紹聖乙亥季秋甲辰同游凡十行刻於曾公巖洞
左壁宋時轉運提刑常平皆為監司之官據此刻知轉運副使
班在提刑之上運判在提刑之下常平又在運判之下也知州
本在監司之下若大州兼安撫使者多以侍從貴臣充之資望

又在監司之上數列名在前乙亥紹聖二年也考哲宗紀紹聖二年四月詔職事官罷帶職朝請大夫以下勿分左右此刻朝請朝奉上不加左右字蓋用新制宗回以知州得帶直龍圖閣者外任差遺與在京職事官不同也曹子方海陵人元祐中嘗任福建轉運判官與蘇子瞻唱和宋史列傳有曹輔字載德南劍州人此別是一人同姓名爾宋史又有程之邵字懿叔仕哲徽兩朝史不言其曾官廣西此程遵彥亦字之邵一字一名偶爾相同猶陳襄字述古而同時別有陳述古也東坡集中有送簽判程朝奉新茶及送程之邵簽判赴闕詩施元之注程朝奉名遵彥舉進士簽書杭州節度判官在東坡幕府二年公再入翰林薦之於朝擢宗正丞後使廣西入爲祠部郎提點兩浙刑

獄

仁壽縣君蘇氏墓誌

紹聖四年十月

右仁壽縣君蘇氏墓誌湖北轉運使祕閣校理趙揚揚字不金之妻廣西轉運使贈禮部侍郎蘇安世之女也慶歷中歐陽永叔以
孤甥事爲言者所訐安世爲三司戶部判官直其寃以是知名
而史不爲立傳王荆公爲安世墓志云女子五人其適軍州魚
臺縣尉江山趙揚者卽仁壽君也判次莊元祐中御史書模刻
閣帖於臨江軍又爲釋文十卷行世顧其書世不多見此誌特
完好文與書法皆可觀在江寧城外新澤寺壁間

章聖皇帝御製詩記

紹聖四年十月

右章聖皇帝御製詩記碑分三層上刻真宗賜賀蘭栖真詩中
刻栖真像下刻張閣記宋史方技傳栖真始居嵩山紫虛觀後
徙濟源奉仙觀景德二年遣入內內品李懷贊召赴闕既至真

宗作二韻詩賜之號宗元大師卽此詩也記祠章聖皇帝卽
之七載間柝真道術甚高發使者詔至京師則當爲景德元年
相校業一年史稱號宗元大師而記年宗真蓋後來避聖祖諱
追改也真宗嘗問柝真人言先生能點化黃金信乎對曰陛下
聖德睿明富有四海可謂真天子矣臣願以堯舜之道點化天
下方士偽術不足爲陛下道也此語當載入本傳其壽百一十
三歲亦史所未及

施績墓誌 紹聖四年十一月

右施績墓誌在宣城縣左朝議大夫充寶文閣待制知杭州軍
州充兩浙西路兵馬鈐轄兼提舉本路兵馬巡檢公事上柱國
隴西縣開國子食邑六百戶賜紫金魚袋李琮撰朝奉大夫知
濟州軍州兼管內勸農事充江南西路兵馬鈐轄上護軍借紫

張綬書胡散大夫管句洪州玉隆觀護軍文安縣開國子食邑
六百戶賜紫金魚袋預臨篆蓋總以父蔭補太廟齋郎嘗平郿
州壽張縣改簽書鎮南軍節度判官加奉議郎賜緋魚葬仁義
鄉響山之原琮字獻甫臨字子敦宋史皆有傳臨爲管勾玉隆
觀則史所不載也誌文完好如新書法亦佳宣城孫生元珪以
子嗜金石文手搨一本見貽考陳魯南商識志不載續墓故表
而出之

崇寧癸未獎諭敕書

崇寧二年五月

右崇寧癸未獎諭敕書其文云敕程節省廣西經畧司奏安化
三州一鎮蠻賊結集八千餘人於地名卸甲嶺吳村蒙家寨等
處作過黃枕等部領兵丁等二千九百九十餘人與賊鬪敵斫
到五百四十八級陣亡一十八人賊兵大敗奪到孽裔器械三

萬餘數得功人乞推恩候敕旨事具悉蠻蠻跳梁爲郡邑害維
于信臣克奮威畧選用材武提兵格鬪斬首捕虜厥功著焉除
惡靖民嘉乃之舉故茲獎諭想宜知悉春賔卿比平安好遣書
指不多及凡十一行行十五字行書按宋史徽宗紀崇寧二年
二月辛亥安化蠻入寇廣西經略使程節敗之又蠻夷傳撫水
州在宜州南大中祥符九年詔以撫水州爲安化州崇寧二年
其酋蒙光有者復嘯聚爲寇經畧司遣將官黃忱等擊卻之卽
其事也宋時守臣監司有治績輒降敕獎諭其勒於石者不多
見故錄之以存當日之式程節史不爲立傳殆亦生事邀功之
流歟

蕪湖縣學記

崇寧

右蕪湖縣學記米元章書自署無爲守而不列官與宅碑式與

宋史元章傳稱年四十九卒而蔡肇撰墓誌云年五十七卒於淮陽郡齋其說互異予按元章跋晉謝安真蹟帖云余生年辛卯又有辛卯米芾四字小印則以仁宗皇祐三年生至哲宗元符二年己卯已四十九年矣如史所云卽不及徽宗朝而元章卽在徽廟時始以工書顯其知無爲軍當在崇寧三年明年始擢禮部員外郎再出知淮陽而歿於官則墓誌云五十七者爲不誤蓋其卒以大觀元年歲在丁亥也爰書此以糾史之謬

王祖道等題名

崇寧五年八月

右王祖道等題名大字正書在龍隱下巖其文云顯謨閣待制經畧安撫使王祖道若愚權發遣轉運副使公事張莊正民提舉常平等事索述宗理樞發遣轉運判官公事陳遵亨伯崇寧五年八月十有九日游此祖道莊遵三人宋史俱有傳莊字正

民則史失之史稱莊山荆湖北路提點刑獄進龍圖閣直學士
廣南西路轉運副使據此刻則除轉運副使時尚未加學士也

張莊題名 大觀四年六月

右張莊題名文云轉運判官周元吉寵遷近部副使唐夢傳饒
別游此提舉學事或質夫提舉常平陳芝道預焉大觀四年六
月十六日檄知州事張莊正民題時自妙樂來從鳳翔轉魁龍
隱以歸凡十行刻於曾公巖洞口左壁宋史職官志提舉學事
司掌一路州縣學政崇寧二年置宣和三年罷姑此刻知提舉
學事班在常平官之上也兵志大觀二年詔熙寧間集左右江
洞丁十餘萬衆自廣以西賴以防守今又二十萬衆來歸已令
張莊依左右江例相度聞奏志不言莊爲何官据此知其時權
知桂州也

范致明題名

政和元年

右范致明題名宋史禮志天禧初詔以大中祥符元年四月二日天書再降內中功德閣爲天顧節尋以仁宗嫌名改爲天祺節此題云天祺節後一日蓋四月二日也

韓城縣河濱靈源王廟碑

政和二年正月

右韓城縣河濱靈源王廟碑宋史禮志祀河濱於河中府今蒲州之永濟縣也大觀初韓城河水清詔遣尚書郎張勳往祭卽舊廟而修之廟在今韓城縣之東王村非河濱之常祀也碑稱淇河自大觀以來變濁爲清者畧有三焉乾寧保平率以累日維二年冬見於同州之韓城邵陽其袤百里其久隔月今考五行志祇載乾寧軍及同州二事不及保平蓋大觀政和之間郡國言瑞者多志不能盡書然未久遂有五國城之禍粉飾太平

何益於國是哉碑末列名者直龍圖閣陝府西路轉運使陳遵
直龍圖閣轉運副使趙口轉運判官郭倫凡三人陳降授朝散
郎趙降授朝議大夫郭降授奉議郎皆列於銜此它碑所未有
宋史遺傳但云爲河北轉運使加直龍圖閣從陝西不知其降
官之由也

神應王扁鵲廟記 政和四年

右神應王扁鵲廟記董作文康修立書考宋史文苑傳醫許希
以鍼愈仁宗疾拜賜已酉向拜扁鵲曰不敢忘師也帝爲封扁
鵲神應侯立祠城西其進封爲王則史所不載

御筆付李邦彥詔 政和八年六月

右御筆付李邦彥詔予初得濟南本意當時刻石必不止一處
乙未夏按試韶州復得此本行款與濟南本不異又考景德建

康志知江寧府學亦嘗刻石今久亡矣詔所稱趙諗儲侂王
宋劉昚皆崇寧大觀間以惡逆坐誅者儲侂謂吳儲吳侂也宋
史徽宗紀大觀元年五月削散郎吳儲承議郎吳侂坐與妖人
張懷素謀反伏誅李壁注王荆公詩引國史云舒州人張懷素
以勾衡游公卿間於元祐六年說朝散郎吳儲云公福似姚興
可爲閣中一國主儲云儲福弱豈能及姚興懷素云但說有志
不說福紹聖四年懷素入京又與儲結約儲以語侂崇寧四年
事敗獄成懷素吳儲吳侂並凌遲處斬卽其事也詔中但稱名
而不稱姓與趙諗諸人並列不知者必疑其入姓儲名侂矣此
亦代言者之失也

劉豫題蘇門山泉詩

宣和四年正月

右劉豫題蘇門山泉詩後有楷書題字六行漫漶不能讀其可

辨者有知府殿院劉公字蓋由殿中侍御史出知衛州也宋金二史豫傳皆云景州阜城人而石刻自題濟南劉豫其詩有云我居東泰濟水南無限泉池日親炙是豫雖生景州實居濟南矣豫僭僞不足道然元遺山采其詩入中州集今觀其筆札政自不惡其知衛州亦史所未及載

高逸上人詩

宣和四年四月

石高逸上人二詩其一題云同雲叟道人季西弟宿祈澤寺展起示以此詩其二云雲叟道人自夫子休轍款段先我而歸口占一詩戲之詩後不署名後有雲叟題稱自三茅還來觀高逸上人二詩乃知詩僧之號後又有趙孟遠題稱壁間得仲藏詩筆仲藏蓋高逸之字也孟遠名駒卽仁壽縣君之子以展墓到此後又有五言絕句一首亦不署名未審何人所作石刻在所

澤寺所云夫子林者訪之山僧莫能言其所在矣

季季及梵仙詩 同上

右季季及梵仙詩前二首後題大觀戊子暮春季季下著二
語似是其人之字其詩云官南宮北添身累年去年來換鬢青
何口歸來閑歲月掃山廬墓過餘齡則亦仕於朝者矣詩又有
廬墓之語或卽趙孟遠之兄弟乎又一詩題云政和癸巳四月
廿四日將去此趨關白署梵仙亦不知其姓名也此與高遜上
人詩碣書法皆後爽並宣和中新澤寺沙門道昇所刻葛寅亮
金陵楚剡志所失載也

權邦彥遊百門泉詩 宣和五年七月

右權邦彥遊百門泉詩二篇其一和彥由殿院讀彥由者劉豫
也宋金二史皆云豫字彥游此作彥由蓋取易由豫大有得之

義石刻當不誤矣邦彥以宣和二年使遼故詩有塞垣奔馳
長道之句其落句云暮歸穿邑驚市人應笑新邊二千石蓋其
時已除知易州尚未赴任也黃氏中州金石考失載劉權偁和
尚黃所錄多訪諸僚屬未能親至其地故絀漏者不少

潛研堂金石文跋尾續卷第五

嘉定錢大昕

宋

嘉惠廟牒

紹興二年十一月

右嘉惠廟牒紹興二年江東轉運司奏建康府靈澤夫人祠祈
禱有應敕賜額嘉惠廟牒後宰執押字者四人自左而右曰尚
書左僕射同中書門下平章事者呂頤浩也曰尚書右僕射同
中書門下平章事者朱勝非也曰叅知政事孟者孟庾也曰簽
書樞密院事兼權叅知政事權者權邦彥也後九十四年寶慶
改元知上元縣趙時倚始以所賜敕黃刻於石記其事於下方

妙喜泉銘

紹興丁丑三月

右妙喜泉銘張無垢撰後有宗杲說偈一首皆無垢書也宗杲
說法徑山無垢數與往來嘗論大學格物杲曰公祇知有格物

不知有物格無垢言下有悟因題不動軒壁曰子韶格物妙喜
物格欲識一貫兩箇五百果深許可秦檜恐其議已令司諫詹
大方論劾宸果衡陽安置張於南安軍檜死乃復果師號住四
明育王寺而張亦起知溫州此泉正宗果在育王所鑿也果少
爲無盡居士張天覺所知名其庵曰妙喜遂以妙喜自號孝宗
嘗書妙喜庵三字賜之故茲泉亦有妙喜之目碑列於唐范的
書常住田碑之陰

行在尚書戶部帖 乾道二年七月

右行在尚書戶部帖後題乾道二年七月十一日日上有印文
云尚書戶部右曹之印其後列銜者五人曰秘書省祕書郎兼
權沈曰員外郎韓曰侍郎曾曰侍郎方曰尚書方曾沈三人俱
有押字韓下注差字尚書下注闕字攷宋史職官志戶部郎分

左右贊此帖當是左贊所行細審篆文却是右贊字或摹刻者之譌乎宋自南渡後諸贊尚書不常置此帖尚書亦闕員惟有侍郎二人又有員外郎無郎中別有他官兼權者一人致食貨志是年曾懷爲戶部侍郎餘三人未能攷其名矣先是隆興元年詔江浙寺院宮觀除天慶報恩寺觀係崇奉祖宗外其餘物力與民間一例科敷至是台州崇道觀道士蔣允崇狀言本觀建造徽宗本命寶殿朝拜崇奉並依天寧萬壽寺觀體例今天寧萬壽改賜報恩光孝爲額已降指揮免非時科配乞依宣政萬例蠲免科敷故有此帖石刻在天台之桐柏宮卽宋崇道觀遺址也

白雲昌壽觀牒 乾道四年五月

右白雲昌壽觀牒牒尾押字者二人曰尚書右僕射同中書門

下平章事者蔣芾也日參知政事陳者陳俊卿也本崇道觀西
之白雲庵以道士曹葆達領衆崇奉皇帝本命香火特賜今額
王應麟玉海台州白雲庵乾道四年五月二十六日賜名白雲
昌壽觀其後建本命殿賜名洪慶殿卽此觀也碑之下方刻尚
書省劄付二道一爲乾道四年撥賜江州廬山田產事一爲乾
道六年本觀道士石葆璋奏前撥賜江州田產三千餘畝往來
收租費耗極大所得無幾欲望聖慈行下台州於沒官田產內
兌撥一千五百畝奉聖旨依年月之下俱有花押前一行大書
右劄付台州白雲昌壽觀十字與今時劄式大畧相似

皇子節度使魏王詔書

乾道七年二月

右皇子節度使魏王詔書石刻在公堂前魏王愷者孝宗之次
子初封慶王莊文太子夢愷以次當立上以恭王愷英武越次

立之而進愷封魏王判寧國府加旄武保寧軍節度使保寧者
婺州軍號也宋時節度使雖不之鎮當除拜口例有敕書諭本
鎮官吏軍民僧道耆壽等其式見於平園制稿當時刻於石者
必不止一處予所收獨此爾

韶音洞記

淳熙四年十月

右韶音洞記張敬夫知靜江府日所作宋史本傳未詳到官年
月攷朱文公所撰虞帝廟碑知敬夫以淳熙二年二月到官也
敬夫貴公子篤志道學不欲以文藝見長然書法端方蘊藉望
而知爲有道之士

平江府學御書閣碑

淳熙十六年

右平江府學御書閣碑淳熙末平江守臣趙彥操建閣以藏光
堯御書詩書易春秋論語孝經孟子石刻而鄱陽洪文敏適爲

文記之其結銜云敷文閣直學士宣奉大夫知太平州軍州事兼管內勸農營田使焯煌郡開國公食邑二千二百戶食實封貳伯戶宋史洪邁傳失書知太平州一節其封焯煌郡公史亦遺之易致爲焯者避光宗嫌名其時光宗已受內禪矣文敏以博洽爲當時所稱而書法端整亦不減蔡忠惠此碑尤其得意之作石刻完好如新殊可喜也

龍圖梅公漳說 紹熙元年

右龍圖梅公漳說梅華於景祐中知昭州作此說紹熙初新安朱鼎顏刻於粵西龍隱巖併跋於後鼎顏宋史無傳新安志但云休寧人隆興元年進士亦無事迹惟談鑰撰行狀敘其歷官甚詳蓋淳熙中由知吉州轉朝奉大夫除廣西轉運判官改直秘閣京西轉運判官紹熙四年進直煥章閣知靜江府慶元初

召赴行在除軍器監尋除太府少卿淮東總領三年升太府卿
四年遷權工部侍郎五年兼知臨安府轉大中大夫六年三月
辭免四月卒此碑刻於任廣西轉運時其跋云予將漕來南行
矣二年然則以淳熙十五年被轉運之命也

張金游山七詠

慶元丙辰正月

右張金游山七詠七詠者曾公洞棲霞洞龍隱洞皆家洲水月
洞慈氏閣千山觀每題各一絕句丹楊張金君量任廣西轉運
日所作慶元初張改帥廣州其門下士雒陽滑懋和仲以其手
書幾諸龍隱巖石隨齋者金自號也攷宋史宰輔表嘉泰元年
七月甲子張金自禮部尚書除端明殿學士簽書樞密院事八
月甲申罷在政府僅兩旬無事跡可見史但附其名於大父綱
傳而歷官本末未之詳焉寧宗紀載慶元四年右諫議大夫張

金請下詔禁偽學五年勅劉光祖附和偽學及請窮治趙汝愚事今證以石刻乃知金以紹熙四年任廣西清司慶元元年知廣州未幾召入爲諫議也予視學嶺南見九曜石上亦有金題名字跡殊不惡然在諫垣興偽學之禁專與正人爲仇雖風流好事奚足取乎金爲量名故以君量表字率輔編年錄作君亮誤

江西諸公題名 慶元戊午正月

右江西諸公題名十行行十五字其文云江西諸公仕於廣會桂林者十有八人慶元戊午正月八日集松關之脩然亭既而舉扁舟延緣過龍隱爲水石更酌及暮登新橋以歸董山饒子羽王琨德賁熊思遜謙甫呂大信不約曾三畏無過武居仁榮叔子宗子林饒祖述古揚相魏翁劉龜習季占楊汝明仲灤

魏璋廷圭劉正之子正余棟叔華高正臣治表趙善欽欽之趙
師撫聖從范行閱景鸞書而來與趙彥糾仲止字畫縱逸似
黃山谷未識何人筆也諸人姓名多不甚著祖堯卽重刊元祐
舊籍者三趙皆宋宗室也

靈應廟牒

嘉泰二年二月

古靈應廟牒本殿州分水縣嵩山土地之神相傳姓方氏果俗
呼通天太保慶元六年臣寮奏請乞行下諸路闕雨州縣於靈
應神祠守令親行稍稍果有驗效卽具奏聞禮寺議封詔從之
由是嵩山土神亦得賜廟額矣牒尾署押者三人其云右丞相
不書姓者謝深甫也參知政事陳者陳自強也參知政事張者
張巖也

忠烈廟碑

嘉定五年二月

古忠烈廟碑廟在江寧之治城祀晉卞忠貞公碑文胡邦衡所撰詞義正大凜然有生氣文成於紹興卅二年至嘉定四年樓大防始書而刻之元石已亡此爲明人重書筆法亦不惡周禮大宗伯以賁柴祀日月星辰注故書賁柴或爲賓柴此碑正作賓字從古文也忠簡子譚爲江東轉運判官本傳失載其名

古相思曲

嘉定八年二月

右古相思曲後題嘉定八年二月朔莆田方信孺書刻於韶音洞攷宋史本傳信孺自知韶州累遷淮東轉運判官兼提刑知真州不著除授之年予以韶州廣泉詩境二石刻證之知信孺以嘉定三年四年在韶州任又連州有信孺觀張魏公謫港題記刻於五年十月其時尚在廣南又曾公巖有信孺餞別鍾大鳴題記刻於六年六月其時已到粵西此刻題嘉定八年蓋在

知韶州以後淮東轉運以前不知信孺當時居何職也

鄒應龍等題名

嘉定丁丑孟秋

右鄒應龍等題名文云嘉定丁丑立秋後五日昭武鄒應龍景初南海吳純臣德粹溫陵曾煥文卿同游凡七行刻於龍隱下巖應龍官至執政宋史爲立傳而失其里居據此可補本傳之闕但未審此時任何職爾

胡槻等題名

嘉定十四年季冬

右胡槻等題名文云右文殿修撰經畧安撫廬陵胡槻伯園提點刑獄吳興芮及言子及轉運判官括蒼沈寶茂揚嘉定十四年季冬十有四日同游龍隱時茂揚已有星郎之命凡七行在龍隱下巖伯園忠簡公之冢孫史附名忠簡傳末而不著其字其知靜江府亦史所未及宋制安撫使皆以守臣充廣南東西

路又加經畧字此題名不書知軍府事者以使職爲重也稱經畧安撫而不言使者宋時安撫使雖例以守臣兼領其資淺者但稱主管安撫司公事而不加使名胡殆主管經畧安撫公事而未正授者爾

建康府教授西廳記

嘉定癸未十六年上元日

右重建建康府教授西廳記景定建康志天聖建學置教授一員紹興九年因左丞葉公奏照西京例增置一員分東西廳東廳在學之左西廳在學之右宋史職官志但載列郡各置教官而京學教授有二員畧不之及亦其疎也篆額者爲宣義郎江南東路轉運司幹辦公事趙興也攷宗室世系表未見與懃名惟泰王德芳九世孫有與勤或卽其人乎

贈直龍圖閣贈文節公碑

嘉熙四年

右贈直龍圖閣曾文節公碑在粵西龍隱上巖題云有朱特贈
正奉大夫直龍圖閣諡忠節曾公神道碑中大夫參知政事同
提舉編修經武要畧同提舉編修勅令南充郡開國侯食邑一
千六百戶食實封肆百戶賜紫金魚袋游偁撰攷宋史宰輔表
嘉熙三年八月戊戌游偁自簽書樞密院事除參知政事四年
閏十二月丙寅除知樞密院事則游公製文當在三年八月以
後碑末題明年孟夏必是四年事矣曾三聘以嘉定三年十月
卒越二年而葬墓本在江西嘉熙中其子宏正任廣西漕運判
官以三聘嘗被廣西提刑之命因纔是碑於巖石碑載三聘兼
考功郎爲右正言黃艾論罷旋起知鄂州中丞何澹論丞相汝
愚不遵壽皇成法經討罷者未得祠乃徑與郡改主管武夷山
冲祐觀秩滿再知鄂州將奏事諫官陳自強等論三聘爲汝愚

腹心詔追兩官嘉泰元年皇子生復元秩久之予祠又久之奎
知郴州改廣西提刑未赴改湖北力辭又主管冲祐觀卒年六
十有七較之本傳爲詳游侶傳但云封南充縣伯進爵郡公中
閒嘗進封縣侯史亦未之及侶稱其父爲太師忠公而游仲鴻
傳亦不載贈太師事

鄮起沃題名 寶慶元年正月

右鄮起沃題名凡二道皆在高要縣之七星巖其一題蒲陽鄮
起沃汝說以寶慶改元正月五日同來其一題寶慶丁亥二月
既望古端守鄮起沃劬農於郊因訪星巖及劉後村集有送鄮
端州起沃詩云海有沈珠戶巖無斷硯工他年的吏傳要雜古
人中今觀丁亥留題勸農愛民之意溢於行間後村推許爲不
虛矣

清叟等題名 嘉熙己亥

右徐清叟等題名文云嘉熙己亥重九日帥守建安徐清叟直
翁繡使稽山黃自明明仲同游凡七行刻於曾公巖攷宋史清
叟嘗爲集英殿修撰知靜江府廣西經畧安撫使宋時稱安撫
使爲帥知府知州爲守故有帥守之稱清叟應龍之子宋史有
傳而失其里居讀此刻乃知爲建安人史稱清叟字真翁據石
刻乃是直字石刻之有裨於史學如此繡乃繡之俗體繡使未
知何官俟攷

理宗道統十三贊 淳祐元年孟春

右理宗道統十三贊紹定三年製淳祐改元孟春謁先聖就賜
國子監宣示諸生前有庚寅御書印後有辛丑御書之寶印今
在杭州府學卽南宋之國子監十三贊者伏羲堯舜禹湯文王

武王周公孔子顏子曾子子思孟子玉海所謂淳祐聖賢十三贊也

白雲山慈聖院開通殿記

淳祐四年仲冬

右白雲山慈聖院開通殿記承議郎新權知邵武軍兼管內勸農事借緋樓扶撰并書少保觀文殿大學士禮泉觀使兼侍讀衛國公鄭清之篆額扶从木旁宣猷公鎰之孫延祐四明志載扶所撰鮑君廟碑周公謹絕妙好詞載扶水龍吟菩薩蠻二詞皆从手旁傳寫之謬也

桂州撤戍記

淳祐六年三月

右桂林撤戍記刻於龍隱下巖大畧言淳祐乙巳天子以蒙古侵大理預戒不虞詔京湖大制開調兵戍廣以十月二十六日抵桂林邊境肅清警報不至次年春得旨撤戍以三月初十全

歸言旋并列出歸主兵官姓名文尚完好惟姓名多刊落攷其時孟珙爲京湖制置使宋史珙傳極密調兵五千赴廣西珙移書執政言大理至邇數千里部落隔絕聞風調遣空費錢糧無補於事不聽卽其事也神勇軍勇信軍獅子崖義士軍湖南飛虎軍皆南渡後置不在禁廂兵之數宋史兵志畧不及之

天文圖地理圖帝王紹運圖 淳祐丁未仲冬

右天文地理帝王紹運三圖皆在蘇州府學其地理圖旁有東嘉王致遠跋語四行云右四圖兼山黃公爲嘉熙翊善日所進也致遠舊得此本於蜀司臬右浙因摹刻以永其傳後宋史黃裳傳遷嘉王府翊善作八圖以獻曰太極曰三才本姓曰皇帝王霸學術曰九流學術曰天文曰地理曰帝王紹運以百官終焉裳字文叔兼山蓋其自號致遠所刻四圖其一久失不知爲

何圖矣文叔劍州人故其圖流傳於蜀致遠爲浙西提刑治中因刊石郡學也

邕州重建學記

淳祐辛亥春季

右邕州重建學記賓州軍事推官權邕州通判鄧容撰爲教授梁應龍重建州學而作容與應龍蓋同年進士唐宋人重同年而年弟之稱見於石刻者惟此兩家賴出察推宋謹之手邕字當从此此从水紙繆之甚

陳壇采石磯詩

右陳壇采石磯詩後題門生儒林郎改差監提領江東淮東路茶鹽所都鹽倉兼檢視洪革立石今在采石之蟻眉亭竹君學士疑爲元碑予按宋史壇字子爽嘉興人嘗爲提領江淮茶鹽所兼知平府草蓋其所辟故有門生之稱碑雖無年月以壇

歷官攷之當在淳祐間矣職官志有提舉茶鹽司別無提領之名監當官兼檢視亦史所未載也

太白脫鞵圖

右太白脫鞵圖知太平州牟子才刻石有贊朱史子才在太平建李白祠自爲記又寫力士脫鞵之狀爲之贊而刻諸石蜀有拓本遺董宋臣宋臣大怒持二碑泣懇於帝此碑卽其一而祠記久不存矣碑在學宮牆傍明成化六年提學御史張敬移置集賢門內作亭覆之知府施奇記其事於左方其下又有康熙癸丑冠明允題字

山谷返樵圖

右山谷返樵圖亦牟子才所刻子才之孫應復元時爲歸安縣尹承行省命督海漕至太平路題字左方子才以資政殿大學

士致仕史但稱學士其諡清忠亦史所未載也應復以重紀至元戊寅歲留題云於今八十三年則二圖以寶祐四年刻石矣

吳郡鄉舉題名

右吳郡鄉舉題名自紹興十年庚申至寶祐六年戊午凡四十科吳郡志但有進士題名而鄉薦姓氏不及焉此碑文字完好南渡百餘年文獻賴以攷證而後來修志者畧不載入當時采訪諸君未免失其職矣龔明之中吳紀聞云姑蘇自祥符間定制科舉以四人爲額慶歷中就舉者止二百人范質之作送錢正叔赴舉序已言四人之額視它藩爲最寡熙寧元豐間應舉者漸多增爲六人三舍旣行罷去科舉法歲貢四人舍法罷乃合三年之數爲十二人紹興丙子又增流寓一名今終場者幾二千人其額又不勝其窄矣今據題名紹興庚申甲子二科皆

十二名丙子以後每科十二名正興縣所記合唯紹興丁卯止
四名後有室行當是年久遺落而庚午癸酉兩科各十六名不
知又何說也郡所統五縣後又增嘉定一縣而嘉定竟無一人
登鄉薦者蓋建邑伊始未漸詩書之澤故也碑在府學儀門外
其陰爲元人刻廟學記易置向外而正面尚壁故見之者少

逸老堂記

開慶元年七月

右逸老堂記在寧波城內月湖中央紹興十四年郡守莫將創
建以祀唐祕監賀公季真取李太白四明逸老賀知章之句爲
堂名也開慶初郡守吳潛重建爲文記之碑末題觀文殿大學
士銀青光祿大夫汾海制置大使判慶元軍府事兼管內勸農
使金陵郡開國公食邑五千九百戶食實封一千七百戶吳潛
記中散大夫直秘閣致仕歷陽縣開國男食邑三百戶賜紫金

魚袋張卽之書降朝散大夫直寶章閣祥符縣開國男食邑三百戶賜紫金魚袋趙汝棣篆額榜寮書法爲當時推重此記乃晚年之筆神采秀勁無一弛懈真老幼輪手也

賀知章像贊

右賀知章像刻於逸老堂記之陰爲之贊者亦吳潛也其詞云
粵惟二疏輔導漢元作其卽位延以飄然粵惟先生師傅唐肅
太陽未升去之已速前疏後賀夫豈異清菴以兩疏比賀公又
以疏之去在漢元卽位之日與賀異趣曾不思疏廣乞骸骨在
宣帝時非元帝也潛以進士第一人登科竟未寓目進史耶

卞忠貞墓碣文

右卞忠貞墓碣文云晉尚書令假節領軍將軍贈侍中驃騎將軍
車廋陽卞公墓凡兩行二十二字字徑五寸餘結體方嚴似顏

平原周吉甫金陵瑣事以爲宋龍圖閣直學士葉清臣書致之
曾肇碑記良然或云魯公書者非也蘇轍之平也朝議贈下公
左光祿大夫加散騎常侍尚書郎恒訓議宜加鼎司之號乃進
贈驃騎將軍加侍中誦復因爭始改贈侍中驃騎將軍開府儀
同三司晉制驃騎已下諸大將軍不開府者品秩第二開府位
從公者品秩第一所謂位從公者儀同三司也此碣書贈官不
及開府儀同三司是舍其大者而舉其輕者矣

衆樂亭詩

右衆樂亭詩石刻在寧波府賀秘監祠下截剝落失其刊刻歲
月詩爲錢公輔首唱而王安石司馬光鄭解邵必吳中復吳充
馮浩和之最下有益柔二字可辨當是王益柔也君倚作詩在
知明州日其後被召同知起居注乃邀諸公同作故鄭毅夫詩

有使君今作螭頭臣之句介甫嘗知鄞縣然不與君倚同時此亦同在起居注局所作也吳中復興國州人而自署渤海蓋舉其舊貫也諸作大率鋪敘燕游之盛不如溫公使君如獨樂泉庶必深嘆一聯得風人之致

姑孰帖

右姑孰帖宋人所刻石已散亡今存太平府學者惟卷第三第八第九數石而已第三爲東坡先生書洪容齋所刻其跋云東坡先生所書詩文十篇遺得之刻於當塗郡齋今合計詩偈表詞止六篇則已失其四矣第八第九皆放翁書而第八卷首題云放翁先生帖三第九卷首題云放翁先生帖則可知放翁之帖散佚更多卽其存者亦不全竟未審何人所刻又有一石乃蘇子美書淳熙戊戌知州楊傑刻前半亦闕不知其卷第也

俟和王沂中之子紹興二十七年王十朋榜進士見咸淳臨安志

留忠宣帖

右留忠宣公三帖皆與曾無玷者第一帖云昨聞有臺屬之命致咸淳毗陵志曾三復紹熙二年正月以朝散大夫知常州在任轉朝請大夫十一月改差御史臺檢法官帖所云十一月卽紹熙二年之十一月也第二帖題七月亦紹熙二年之七月其時三復正在常州此帖本在前帖之前宏父刻石失其次矣第三帖當在慶元元年其云比蒙恩渥復畀職名謂是年六月復留正親文殿學士充醴泉觀使也三帖皆稱無玷爲年兄曾宏父亦云梁文靖乾道壬辰入相先君少師是年擢第與留忠宣俱爲同年然則留正與曾三復俱乾道八年

王辰

進士而宋史

曾三復傳云乾道六年進士留正傳云紹興十三年第進士皆誤宋時進士三歲一舉紹興十三年癸亥乾道六年庚寅非貢舉之歲也

華夷圖 爲齊阜昌七年十月

右華夷圖不著刻人名氏題云阜昌七年十月朔岐學上石蓋劉豫時所刻其年十一月豫爲金人所廢阜昌之號終於此矣唐貞元中宰相賈耽圖海內華夷廣三丈從三丈三尺以寸爲百里斯圖蓋仿其製而方幅縮其什之九京府州軍之名皆用宋制開封爲東京歸德爲南京大名爲北京惟河南不稱西京未詳其故也碑云四方蕃夷之地賈魏公圖所載凡數百國今取其著聞者載之又參考傳記以敘其盛衰本末至如西有沙漠諸國西北有奄蔡北有骨利幹東北有流鬼以其不通名貢

而無事於中國故畧而不載此亦見其去取之不苟矣

潛研堂金石文跋尾續卷第六

利

嘉定錢大昕

金

廣福院尚書禮部牒 大定七年八月

右廣福院尚書禮部牒其畧云澤州陽城縣海會院僧宗暉狀告晉城縣周村社次西有舊下院佛堂一所自來別無名額已納錢壹百貫乞立廣福院勘會是實奉敕可特賜廣福院准敕故牒大定三年十一月初六日月日之下有令史主事二人押牒後列銜五行曰奉議大夫行太常博士權員外郎劉日中散大夫行員外郎李日宣威將軍郎中耶律日尙郎日中奉大大禮部尚書兼翰林學士承旨知制誥修國史王其署押者惟員外郎劉一人攷其時任尚書者彰德王統無斂郎中以下名字不可攷矣侍郎不書姓者闕員也凡寺院賜額末初由中書門

下給牒元豐改官制以後由尚書省給牒皆率執親押字金則
僅委之禮部而尚書侍郎並不書押惟郎官一人押行而已但
宋時寺院皆由守臣陳請方得賜額金則納錢百貫便可得之
蓋朝廷視之益輕而禮數亦替矣

蓮峯真逸二絕句 大定戊申正月

右蓮峯真逸與慶范李氏圖二絕句喬君名展字君章洪洞人
元裕之中州集稱其詩樂府俱有名狀所錄詩止一篇又不著
其歷官本末據此刻知喬君官至大理丞正隆之亂丞蒲邑保
全一城可補中州集之闕矣喬傳容嘗為京兆戶曹中州集亦
未載戊申蓋大定紀元之二十八年上冰猶言上降也巾天祿
時為長沙令

許古題名 永安五年四月

石許古題名四行行書文云永安五年閏月廿五日同張君王
吳壽夫來許達與寂公無二登鳳皇山周覽青蓮之勝釣幕河
開許古道真題在澤州青蓮寺石柱之側青蓮爲硤石古刹石
柱周遭朱金人題刻殆徧予惟得其一爾釣幕者鈞州幕殿古
登第後嘗爲之而金史本傳失書姚半塘云古父安仁於明昌
中嘗守澤州張君王吳壽夫疑卽進士張天祐吳芝之字皆其
父所與遊者寂公謂僧寶寂也

硤石山福嚴禪院記

泰和六年正月

右硤石山福嚴禪院記奉政大夫中都西京等路按察副使郭
侯篆額奉政大夫澤州刺史兼軍州事楊庭秀撰并書凡碑刻
篆額人例在撰書者之次侯官階與庭秀相埒且係部民乃刻
於庭秀前者記爲庭秀自書謙不欲先人也記云近年澤守許

安仁子靜李仲畧簡之皆一時文士許李二人金史皆有傳而
庭秀亦有詩名書法方整規樞顏魯公足徵金時澤守之得人
也記又云承光二年周武帝集沙門於殿庭宣廢佛教按承光
齊幼主年號紀元甫一年而爲周所滅承光無二年也齊滅而
地入於周當以周建德紀年不當更稱承光矣史載周武帝建
德三年初斷佛道二教沙門道士並令還俗其時寺在齊境無
由禁斷及滅齊之後甫踰年而武帝卽世此禁遂弛故僧寺佛
像之在齊境者皆得不毀而綿流好事者以爲遠公之力殊未
足信

重修府學教養碑 正大二年十二月

右重修府學教養碑在西安府學其云行省參政金源完顏
公者完顏合達也金史哀宗親正大元年三月以延安帥臣完

顏合達戰禦有功授金虎符權參知政事行尚書省事於京兆
合達傳則云元光元年正月遷元帥左監軍權參知政事行省
事於京兆未幾真拜年月互異要當以本紀爲正傳不云封金
源郡公蓋史文之漏也書石者爲奉天楊煥卽元史之楊奐說
文無煥字余氏新附有之煥乃奐之俗體非異文

元

何瑋祭張飛卿文

至元十四年三月

右何瑋祭張飛卿文其序云至元甲戌歲王師濟江由金陵起
餘杭千戶計議中書省事秦中張公羽字飛卿者志士也憐無
辜之人困於鋒鏑將先見其國君爲陳禍福慨朕請行道遠平
江遇害丁丑三月與西京李才卿南宮張孝先來登蛾眉亭撫
江山之絕景懷張公之高節乃剖羊醢酒相與招魂而祭之禮

末題昭勇大將軍戶部尚書行淮東淮西部轉運使司事何而
不名予攷元史何瑋傳至元十一年伯顏受命伐宋辟瑋爲帳
前都鎮撫授武德將軍管軍總管宋既平進懷遠大將軍太平
路軍民達魯花赤俄陞昭勇大將軍行戶部尚書兩淮都轉運
使與此碑結銜正合則祭文爲瑋所撰無疑碑立於采石之峨
眉亭其時已遷轉運尚在太平也張孝先者當塗縣尹碑亦不
書其名李才卿則未知其任何職矣飛卿使宋遇害史不爲立
傳僅於世祖紀伯顏傳兩見其名讀此碑乃知爲秦中人又知
其字石刻之有益於史學如此

寶積寺鐘銘

戊寅五月

右寶積寺鐘銘首云翠山寶積移忠資福禪寺以戊寅夏五朔
旦修治洪鐘菩薩戒弟子曹說爲之銘其後刻名者有沿海制

置司兼知慶元府趙孟傳朝散大夫張偉恭人史氏百九八娘
將仕郎張初倩安人鄭氏再三十娘安人張氏重十一娘安人
周氏淨堅及者舊頭首知事住持僧各若干人戊寅者至元十
五年宋已亡矣而孟傳猶書故官蓋其時浙東初入版圖仍以
元官授之至洪模王剛中莅任乃有總管之稱也翠山寺在鄞
縣東七十里初名寶積禪院宋嘉泰四年張參政孝伯請爲功
德寺乃賜移忠資福寺額此鐘本翠山物不知何時移於延慶
寺明季延慶僧傳燈修寺志亦不載予在四明游斯寺見其形
製有異募工掘而藏之

澤州長官段直墓碑 至元廿七年二月

右澤州長官段直墓碑元史良吏有段直傳所書事蹟與碑畧
同靜修一代名儒其文非苟作故史臣采入正史乃本傳所敘

年代與碑大相刺謬碑云甲戌之秋南北分裂河北河東山東
郡縣盡廢甲戌者元太祖之九年金貞祐二年也是歲元兵圍
中都宣宗遷汴故有南北分裂之語而史改云至元十一年河
北河東山東盜賊充斥以其歲亦在甲戌也會不思至元之初
境內寧謐河北諸路安有盜賊充斥之患乎碑又云天子命太
師以王爵領諸將來畧地公遂以衆歸之謂太師國王木華黎
承制時也而史乃云世祖命大將畧地晉城曾不思世祖時晉
城久入版圖又安有命將畧地之事乎碑作於世祖朝其文云
今上在潛邸命提舉本州學校未拜而卒然則段長官蓋卒於
憲宗朝未嘗事世祖矣蓋由史臣不學誤例甲戌爲至元之甲
戌相差一甲子而不悟也直年六十有五子紹隆嗣官至遼州
知州皆本傳所失書碑云國初凡守親王分地者一子當備宿

衛此亦元之典故而史畧不及之

慶元路重建學記

至元二十九年十月

右慶元路重建學記王伯厚撰自署前進士而不書官距德祐
丙子宋亡已十有七年矣碑尚在寧波府學浙東宣慰副使李
思衍書道美似徐季海鄞縣學亦有厚齋碑其文見於延祐四
明志而石刻久不存

觀世音菩薩傳畧

大德丙午三月

右觀世音菩薩傳畧後題吳興弟子管氏齊沐焚香拜書疑卽
趙松雪夫人管道昇也下方爲觀世音像石刻在江寧城內石
橋左所基地藏庵內殿生子進榻以遺子予少讀北史王劭傳
云文獻皇后崩劭上言大行皇后聖德仁慈福善積符備諸祕
記皆云是妙善菩薩不解所謂讀此傳乃知妙善卽觀音之名

耳

徽州路儒學旨揮 至大三年四月

右徽州路儒學旨揮二道刻於加封孔子詔書之下方其一云
承奉江浙等處行尚書省劄付該准尚書省咨至大二年十二
月十九日太保三寶奴丞相奏在先孔夫子漢兒帝王雖是封
贈了不曾起立碑石來如今各處行與文字封贈了於瞻學地
土子粒內交立碑石呵今後學本事的人肯用心也者奏呵奉
聖旨是有那般者欽此照得先據御史臺呈亦爲此事已經通
行去訖咨請欽依施行云云按元史武宗紀大德十一年七月
辛巳加封至聖文宣王爲大成至聖文宣王其立碑則紀所未
載三寶奴元史無傳其拜太保年月紀亦失之三公表書於至
大三年以訖 及之司二年之冬已爲太保矣碑在績溪縣學

加封詔書石刻所在多有而尚書省咨獨見於此

四川道廉訪使梁天翔碑 延祐二年七月

右四川道肅政廉訪使梁天翔諱道文敏書在平遙縣梁官村
梁氏仕元多顯者天翔父瑛以戊寅歲率衆詣太師國王降授
元帥左監軍以功陞征行都元帥已丑改官制授金符御前千
戶乙未從元帥塔海甘不入蜀權征行萬戶鎮興元戊戌從塔
海圍資州踰月始下塔海欲坑之瑛曰今始得一城而坑之它
城未易下也乃止壬寅宋人陷成都瑛與先鋒禿薛擒其制置
陳隆之成都平丁未詔充西京平陽太原京兆延安五路萬戶
治太原稽其勳伐亦史天倪劉黑馬之亞也而元史不爲瑛立
傳故畧敘所聞以忝讀史者大丈夫冒白刃立功名生膺高爵
蔭及子孫又能以一言止主帥之殺其所成就亦卓卓矣而史

家失於采訪名且湮沒不彰然則予之敝精勞神於金石文而不悔者古人可作或亦有樂乎此也

海寧寺鐘銘

延祐四年十月

右海寧寺鐘銘延祐四年崑山州知州王安貞屬翰林國史院編修官章嘉爲之銘攷元史仁宗皇慶二年十月徙崑山州治於太倉故銘有新城之目寺有毀鐘久矣至安貞始範銅易之周遭列出錢人姓名其首行云造寺故大檀越資德大夫大司農河南江北等處行中書省左丞相公朱君夫人却氏胡氏所云左丞朱君者謂朱清也左丞宰相之薰故得相公之稱此外又有稱相公者數人則海道運糧萬戶及都水監也下此有稱總管者有稱承務者則相公之稱雖濫尚不槩及下僚矣明孝宗時析太倉別置州移寺鐘於州治之鐘樓

太上感應篇附注 秦定甲子

右太上感應篇附注錢唐陳堅君實所編仇遠爲跋秦定甲子
上元繡梓而嗣子從仁復刊石於湖山堂蓋在至正中惜石刻
漫漶不能辨其何年月也吾友惠徵士定字言此篇卽抱朴子
所述漢世道戒如三台北斗司命竈神之屬證諸經傳無不契
合非後人所能假託然隋經籍志藝文志皆無之宋藝文志始
有李昌齡感應篇一卷此書之傳蓋自李始矣據仇山村跋則
宋時有李善齋先生注其後鄭相安晚湯侯北村徐公博雅輯
而爲贊衍而爲解韻而爲詩今惟鄭清之書載於道藏餘無聞
焉陳氏附注詞雖淺近而無俚鄙不經之談懸諸座右可爲日
省之助

浙東道宜慰使答里麻世禮恭誌

秦定元年二月

右浙東道宣慰使答里麻世禮墓誌其先畏吾人家於關中父忽倫察官宣慰使答里麻世禮少侍成宗至大元年僉河北道廉訪司事三年調浙西道四年召爲刑部郎中皇慶改元升本部侍郎延祐七年升本部尚書至治改元出爲浙東道宣慰司都元帥行次揚州卒四明續志不列其名以其未到任也錢唐趙晉齋游秦中揭其文貽予攷前人未有著錄者因撫其大畧書之

加封孔子父母及夫人并官氏詔

至順二年六月

右加封詔二道其一加封齊國公叔梁紇爲啓聖王魯國太夫人顏氏爲啓聖王夫人詔其一特封大成至聖文宣王妻并官氏爲大成至聖文宣王夫人詔也元史文宗紀及祭祀志祇載加封啓聖王及夫人而不及并官氏之封史文之闕也加封事

在至順元年二月戊申碑書至順二年六月益立石之年月也
家語孔子年十九娶於宋丁官氏之女今攷漢韓勅禮器碑本
作并官宋祥符追封及此詔亦皆作并官文字明白可證家語
傳寫之誤廣韻引魯先賢傳孔子妻并官氏今本亦誤爲元蓋
流俗相傳失其本真惟石刻出於千載以前者信而有徵也

辟邪鐘題字

至元二年十二月

右辟邪鐘題字在鍾山靈谷寺元順帝重紀至元之二年能仁
寺僧所鑄銑于鉦甬之式皆仿古製鐘乳三十六枚與鄭康成
說合其款題周辟邪鐘四篆字世人未解辟邪之義予按攷工
記鍾縣謂之旋旋蟲謂之幹旋蟲者旋以蟲爲飾也康成謂今
時旋有蹲熊盤龍辟邪辟邪獸名此鐘蓋依周攷工之製而旋
蟲作辟邪形因以爲名僧擁妄稱爲景陽鐘殊可笑也能仁寺

本在城內卽昇元故址洪武中始移建聚寶門外鐘之移於靈谷其在此時乎

四明祖庭世統題名記 至元四年

右四明祖庭世統題名記在寧波城內南湖延慶寺記文天台鄉貢進士胡世佐撰并篆書題名第一列中爲大師釋迦牟尼世尊左列摩訶迦葉至龍樹尊者凡十二世右列龍樹至義通稱十六祖第二列右爲始祖法智尊者知禮大師左爲翼祖延慶異聞法師第三列以下皆法智之後嗣也題名皆正書白文惟法智異聞二人及後來嗣主祖庭者五十餘人墨文碑爲法智第九世孫本無所立以嗣席之次數之則爲四十九代矣我庵其自號也龍樹之教流於中土北齊慧元以宿悟已證立爲觀法以授南岳慧思思授天台智顗是爲天台宗顗授章安灌

頂頂授法華智度威授天宮懋威懋威授左溪元朗明授荆谿
湛然自龍樹至荆谿教宗所謂九祖也荆谿傳興道道遠遠傳
至行廣脩脩傳正定物外外傳妙說元瑒瑒傳高論清疎疎傳
螺溪義寂寂傳齊雲義通通傳四明法智而其教復盛故四明
之學者欲以興道至四明八世續九祖爲十七祖此亦門戶之
私見爾黃魯直謂庵字非古常用菴字予謂菴庵皆說文所無
未見菴古而庵俗也世佐書庵作龕取覆蓋之義較爲近之

句容縣學大樂禮器碑 至元六年五月

右句容縣學大樂禮器碑賜同進士出身伊祿郎江南諸道行
御史臺監察御史趙承禧撰文紀達魯花赤丑驥教諭劉德秀
造先師廟禮樂器之事書丹者江南行御史臺管勾曹復亨篆
額者江南行御史臺都事姚敬也承禧字宗吉其登科年分未

詳

重修清源廟碑 至正二年三月

右重修清源廟碑清源廟祀蜀灌口神俗所稱二郎神也梓潼灌口射洪三神祠皆盛於宋時晁氏讀書志有蜀三神祠碑文五卷非虔任四川清日哀集成書當時崇奉之盛如此碑稱神始祠於灌口由漢迄唐宋初侯終王增號於延祐收封於天歷聖天子嗣位又詔加護國於舊號之上及元史天歷二年正月加封秦蜀樞太守李冰爲聖德廣裕英惠王其子二郎神爲英烈昭惠靈顯仁祐王若延祐增號及順帝時加護國字則史所未載蓋元史諸帝紀不出於一人之手或詳或畧無一定之例也碑在江寧城外雨花臺之左其地名二郎岡蓋以廟得名今廟改祀三茅君而清源之祠移入城內矣

重建達奚將軍廟碑

至正二年五月

右重建達奚將軍廟碑在句容縣城南將軍名字事迹無可攷
碑稱殿東楹貼幅楮數字可辨云梁承聖初洪遜爲國子祭酒
似洪遜卽將軍之名子攷南史周宏讓傳承聖初爲國子祭酒
二年爲仁威將軍城句容以居之命曰仁威壘今達奚廟正在
仁威故壘宋人避諱往往改宏爲洪讓爲遜殿楹帖必宋人所
題洪遜卽宏讓耳於達奚何與哉碑又稱世傳將軍南來時與
沈襄王戰死於縣西之華墓岡環廟之地卽將軍甲城所云沈
襄王者不知何人疑是沈法興也

碑陰

右碑陰建廟施財題名有瓦甃廟宇宇甃當與甃同義字書所
未載也

覺苑寺興造記 至正三年三月

右覺苑寺興造記。廬州路總管趙質翁撰。紹興路總管秦不華題。額松汀府推官趙宜浩書。兼善題額。列於宜浩之前。蓋以官資之崇卑爲序。碑皆正書。獨兼善結銜一行八分書。介於撰書者之間。它碑所罕有也。此記本刻於熙寧大悲閣碑之陰。不知何時嵌入牆壁。轉易向外。而沈碑乃在幽閤之處矣。

慶元路總管王元恭去思碑 至正三年十一月

右慶元路總管王元恭去思碑。在寧波府學趙轉運書。俊爽似鷗波承旨朱教授文亦質實無溢。美元恭在任修四明續志簡而有法。與袁學士四明志並傳。而碑不及之。何耶。碑末列名有副導王厚孫齋長王寧孫皆深寧居士諸孫。

麗江縣禁鐘題字 至正十年十月

右廬江縣禁鐘題字其辭頗爲奇今時傳化爲小韻往往
此字此鐘爲縣尹張居敬所鑄遠香花赤香顏不花以下及選
士列名者十餘人而用俚鄙無稽之字足供一噱狀亦可見俗
字之有本也

餘姚州儒學廢田記

至正十一年十一月

右餘姚州儒學廢田記至正九年大梁郭文煜知餘姚州到官
謁孔子廟耆老言縣故有田贍學歲久弊滋廢入不足乃擇儒
士之公廉者分歷諸鄉按籍復舊又開元孝義二鄉有海濱塗
田亭民久專其利文煜遣吏疆理之得二百四十一畝悉歸之
學又有史華甫者捐田五十二畝由是養士有資甬東孫元蒙
爲文記之州判官傅常書諸石常自署賜同進士出身未詳
科年分

杭州路重建廟學碑 至正十五年

右杭州路重建廟學車江湖儒學提舉王大本撰文爲杭州路
總管帖木列思重建元聖廟學而作帖木列思姓康里氏字周
賢故平章軍國事追封東平王之孫陝西行中書省平章政事
忠定公之子東平王者不忽木也忠定公者回回也回回諡忠
定不見於元史宋濂撰神道碑亦未之及康里慶童元史有傳
不言其能書此碑秀整殊有嶮巇承旨之風碑末題月日上俱
有空文

慶元路儒學興修記 至正二十一年十二月

右慶元路儒學興脩記温州路總管劉仁本撰并書江浙行省
叅知政事周伯琦篆額方國珍倡亂海上屢降輒叛其據慶元
在何年元史無明文碑云公以至正十八年領節鉞來鎮四明

可補史文之闕至正二十一年加國珍司徒亦元明二史所未
載也迺賢本葛邏祿氏從其兄官游江浙卜居於鄞碑述實訪
耆儒之列